



Synfocity = 887

mail us at : mzsynfo@gmail.com; mizoramsynod@gmail.com - Phone - 2314648

May 4, 2023

- **MSSU buatsaihin Bial Sunday School Secretary-te tan Secretarial Training vawi 18-na neih a ni**
May 3-4, 2023 chhung hian MSSU Biennial Secretarial Training vawi 18-na chu Aizawl Theological College, Durtlang-ah neih a ni.

Training hi May 3 (Nilaini) zana hawna inkhawm neih niin Rev. V.L. Luaia Hranleh, Executive Secretary i/c MSSU-in a kaihruai a, Rev. Dr. C. Chawngmingliana, Synod Moderator-in hawna neiin thuchah a sawi a. Moderator chuan, Sunday School rawngbawlinaa ruat bik lote tan chuan thahnemngaia thawh ve ngawt theih a nih loh thu leh heng rawngbawlina chanvo chelhtute vanneih bikzia leh chumi avanga thahnem ngai taka thawk turin a fuih a ni.

MSSU Secretarial Training hi Bial Sunday School Secretary ruat thar kum apianga neih thin a ni a, Secretary hna leh an rawngbawlina atana thil pawimawh hrang hrangte inzirtirna hun atan hman thin a ni. Kum 1974 atanga kum thum dan zela neih thin chu kum 2018 Synod-in Bial Sunday School Secretary term kum hniha a bithliah tak avangin 2019 atangin kum hnih dan zelah neih thin a ni. Tun tum Secretarial Training-ah hian Bial Sunday School Secretary 181 an tel thei a, an zingah hian hmeichhia 1 a awm a ni.

May 4, 2023 (Ningani) zan hian a kharna hun hman a ni ang a, kharna inkhawm hi Upa B. Lalhmunliana, Synod Secretary-in a kaihruai ang a, Rev. V.L. Luaia Hranleh, Executive Secretary-in fuihna sawiin training chhuakte hnenah Certificate a hlan ang.

- **Presbyterian Youth Fellowship (PYF) Biennial Conference**

India ram Presbyterian Kohhran (PCI) hnuai a thalai pawl Presbyterian Youth Fellowship (PYF) Biennial Conference Vawi 24-na chu Champhai Vengthlang Kohhran Biak Inah, April 28-30, 2023 chhung khan neih a ni a, Conference thupui chu "Amah a rinawm si a" (For His Faithfulness) tih a ni.

PYF hnuai a hian Unit 14 an awm mek a, heng Unit hrang hrang 14-ah hian member 3,24,586 an awm mek a ni. Biennial Conference-ah hian Unit tin member zat azirin palai intirh theih zat bituk a ni a, KṚP hian member ngah berin, palai 125 an intir thei a, tun tumah hian CKṚP Committee - mi 28, Mizoram Synod Choir - mi 25 leh Bial hrang hrang aiawh - mi 72 an palai a ni.

Zirtawpni zan, Inrinni zan leh Pathianni nilengin Vantlang Pathian Biak Inkhawm neih a ni a, Inrinni zingkarah Devotion neih niin, Pathianni zingkarah Lalpa Zanriah Sakramen buatsaih a ni. Inrinni nilengin Rorel Inkhawm neih a ni bawk. Conference-ah hian Speaker pathum an awm a, inrinni zana Rev. Remsiam Ngamlai, Biateram Synod-in thupui a sawi a, Pathianni chawhmaah Rev. Dr. L.H. Rawsea, Mizoram Synod-in sawiin Pathianni chawhnuah Rev. B. Syiem, KJP Synod Sepngi-in a sawi veleh a ni. Inkhawm apiangin Synod hrang hrang Zaipawl zai tha tak tak ngaihthlak thin a ni. Inrinni zan leh Pathianni zan inkhawm banah Variety Programme hman a ni bawk. Inrinni rorel inkhawmah thil hrang hrang rel a ni a, kum 2023-2024 PYF Budget atan ₹ 6,34,060/- chu pawm a ni.

Kum 2023-2025 PYF hruaitu turte

Leader : Rev. S.C. Diengngan, KJP Sepngi
 Assistant Leader : Mr. Bharat Jeme, PYF CHT Synod
 Secretary : Rev. K. Laloo, JSKJP Mihngi
 Assistant Secretary : Miss F. Lallianzuali, KṚP Mizoram Synod
 Treasurer : Dr. Miss Crucybeljune Kharbani, JSKJP Sepngi
 Committee Member-ah KṚP atangin Pu C. Lalkhawngaiha a tel a, Editorial Board-ah Tv. P.C. Lalthanmawia a tel bawk.

Kum 2025 PYF Biennial Conference hi JS KJP Mihngi-in a thleng ang.

- **Synod Mission Board**

- ◆ **Tripura Mission Field**

April 2023 chhung khan member thar 107 an awm belh a, kumin January-April 2023 (Thla li) chhungin member thar 342 an awm.

◆ **Jharkhand Mission Field**

April 30, 2023 (Pathianni) khan member thar pali an awm belh a, Northern Evangelical Lutheran Church (NELC) aṅging chhungkaw khat (member 3) kan Kohhranah an rawn inpe a, Friends Missionary Prayer Band (FMPB) aṅging mi pakhat kan Kohhranah a rawn inpe bawk.

◆ **Arunachal & Assam Mission Field (West)**

April 30, 2023 (Pathianni) khan member thar paruk an awm belh a, Roman Catholic aṅging chhungkaw khat (member 3) kan Kohhranah an rawn inpe bawk.

◆ **Ramthar Campaign**

May 7, 2023 (Pathianni) hian Ramthar Campaign-in thawktute hetiang hian an chhuak ang:

Durtlang Leitan Kohhran - Rev. R. Lalhmingsanga, Mission Board Secretary leh
Synod Mission Choir

Sihphir Kohhran - Upa Lalṭhahluna Ralte, Coordinator leh
Pi Ruth Lalhmangaihi, Asst. Coordinator.

◆ **Zin**

May 1-6, 2023 chhung hian Assam Mission Field, Arunachal & Assam Mission Field, West leh North-a Mission School te tlawhin Pu T. Lalchhuangliana, Supervisor of Schools leh Pu H. Darrozama, Duftry, SMB te an kal.

□ **Synod Mission Board meeting wawi 179-na**

May 3, 2023 (Nilaini) khan Ramthar Board Meeting wawi 179-na chu J.M. Lloyd Hall, Synod Office-ah neih a ni a. Meeting hi Rev. Dr. C. Chawngmingliana, Moderator-in a kaihruai a, Board Secretary, Rev. R. Lalhmingsanga'n report a pe. Report-ah hian Rev. Lalsawichhunga chu Pastor i/c Masihi Sangati(Kawl) atana lak a nih thu te, 2023-2024 Academic Session atana B. Miss zir tur mi 16 thlan a nih thu te, March 24-26, 2023 chhunga Lunglei Chanmari Kohhrana Home Mission South Retreat neih a nih thu te leh January-April, 2023 chhunga Field hrang hranga ringthar neih zat chu mi 2498 a nih thu te tar lan a ni. Meeting-a thurel langsar zualte -

- 1) Distance Education kalpui dan tur ruahmanna chu BEC-in hman nghal theih turin lo zut mam rawh se.
- 2) Missionary Training College din kum tichiang turin SEC-ah thlen ni se.
- 3) Chawngte L-a SMB ramah hian Chawngte C-a Craft Centre (Puan thui zirna) hi sawn ni sela, mipa leh hmeichhe tana zir theih turin tihlen ni se.

□ **Synod Partnership**

April 15-May 8, 2023 chhung hian Mission Partnership programme-in Taiwan, Singapore, Cambodia leh S. Korea-ah te Rev. Dr. K. Lallawmzuala, Executive Secretary a kal a, April 18-20, 2023 chhung khan Presbyterian Church in Taiwan, General Assembly-ah PCI aiawhin a tel a. He hunah hian khawvel hmun hrang hrang aṅging Presbyterian hruaitute an lo tel ṭha hle a ni. Hemi chhung hian Rev. Dr. K. Lallawmzuala chuan Mission leh Education lama mawhphurtu Associate General Secretary Rev. Sudu Tada chu hmuin Mission leh Education lama thawh hona tur bakah ṭhalai rawngbawlina lama inkungkaihna nghet zawk kan neih theih dan tur a sawi pui a ni.

April 24-27, 2023 chhung khan Cambodia rama kan Synod Mission rawngbawlina hmun te a tlawh hnuin April 28-30, 2023 chhung khan Singapore-ah South East Asia-a Tent Making missionary-te hmanga rawngbawlina huang zauh dan tur zir chianna neiin hun a hmang a ni. April 1-7, 2023 chhung hian South Korea ramah khawvel ram puma Mission lama intawhkhawmna, 6th International Global Alliance & Cooperation-ah a tel leh a. Hemi hun chhung hian Rev. Dong Chan Kim, Presbyterian Church in the Republic of Korea (PROK)-a an hotupa leh Presbyterian Church in Korea (PCK) lama an hotupa, Rev. Dr. Samuel Y. Pang (Missiologist) nen inkawmna hun an nei a, Mission leh Theological Education lama thawh ho dan tur te, ṭhalai rawngbawlina lam te an sawi dun bawk.

□ **Revival**

April 22-23 leh April 29-30, 2023 chhung khan Aizawl khawpui chhung leh a chhehvelah Operation Nehemia neiin Revival Speaker-te group 12-ah inṭhenin rawngbawlina hun an hmang a, he hunah hian mi 1240 vel hnenah rawngbawlina an nei.

□ **Trust**

April 27-28, 2023 chhung khan Zohmun, Ratu leh Tuirial-ah te Pastor Quarters en felin Pu Lalramenga Royte, J.E. a kal.

❑ **Presbyterian English School (PES)**

May 1-3, 2023 chung khan PES hrang hrang - Sialsuk, Hnahthial, Samlukhai, Sumsuih, Aibawk leh Muallungthu PES te tlawhin Pu C. Lalrinliana, Supervisor of Schools a kal.

❑ **Worship**

May 4-5, 2023 chung hian West Phaileng Kohhranah Music Training neihpuiin Pu H. Lalrinmawia, Senior Music Instructor a kal.

❑ **Kohhran Hmeichhia**

May 5, 2023 (Zirtawpni) hian Leadership Training neihpuiin Central Kohhran Hmeichhe Hruaitute hetiang hian an chhuak ang:

- Tanhril Bial - Pi Rosiamliani, Comt. member leh Pi H. Lalbiakveli, Comt. member
- Tuikual Bial - Pi R. Lalrempuii, Comt. member leh Pi A. Nazi, Comt. member
- Tlangnuam Bial - Pi Zothansiami, Comt. member leh Pi Lawmkimi, Comt. member
- Chanmari West Bial - Pi C. Thanpari, Comt. member leh Pi Lalmalsawmi Sailo, Comt. member

❑ **Finance**

May 5, 2023 (Zirtawpni) zan hian Armed Veng Bial Kohhran Hmeichhia te Accounts Training neihpui turin Pu Zaihmingthanga Fanai, Accountant; Upa Lalrosanga leh Pu R. Lalbiakdika te an kal ang.

❑ **Prison**

♦ May 5, 2023 (Zirtawpni) hian Lungleiah Synod Prison Ministry leh Lunglei khawpui chhunga Pastor Bial pathum - Chanmari, Venglai leh Bazar Veng Pastor Bial Joint Standing committee turin Rev. Lalhmuchhuaka, Director a kal ang.

♦ May 7, 2023 (Pathianni) hian Central Jail & Central Women Jail-ah te hun hmang turin Rev. Lalhmuchhuaka, Director; Tv. Lalrempuia, Speaker, Saltang Chhuahtu Team; Upa R.K. Ramherliana, Asst. Professor, MTC leh Upa C. Lalsangzuala, Counsellor, SPM te an kal ang a. Aizawl khawpui pawn District Jail tinah Synod Prison Ministry Sub-Comtt ruahman angin inkhawm a ni bawk ang.

❑ **Social Front**

May 6-7, 2023 chung hian Bial hrang hrangah Political Campaign-in Campaigner-te hetiang hian an chhuak ang:

1. Lungsen Bial, Tlabung Bial leh Tlabung Zodin Bial - Upa Dr. J. Malsawma
Rev. Lalrinmawia
Rev. Vanlalawmpuia
Upa J. Lalsawmliana
2. Vanzau Bial, Khuangleng South Bialah - Upa R. Zirrokunga
Upa C. Chawngthantluanga
Upa H. Ngurthansanga
Upa Lalzuitluanga
3. Kawnpui Bial, Kawnpui Chhimveng Bial - Upa Kailiana Ralte
Upa Dr. Lalnundanga
Upa R. Lalmalsawma
Upa Lallianmawia
4. Zohmun Bial - Upa Lalrammawia Ngente
Rev. Dr. Lalramchhana
Upa Ricky Lalrammawia
Upa Lalhmachhuana
Rev. K. Lalrinmawia
5. Champhai Vengthlang Bial, Champhai Bethel Bial, Champhai vengsang Bial, Champhai Kahrawt Bial - Upa Dr. Lalrintluanga
Upa Dr. B. Lalrinsanga
Rev. H. Lalrinmawia
Rev. Vanlalrova Khiangte
6. Chhingchhip Bial, Tlungvel Bial, Baktawng Bial, Tlungvel Vengthar Bial - Upa K. Roseia
Dr. Lalnunthara
Dr. Robert S. Halliday
Rev. H.S. Remmawia

☐ **MSSU**

May 6, 2023 (Inrinni) hian Sunday School zirtirtu training neihpui turin Trainer-te hetiang hian an chhuak ang:

- | | | |
|---------------------------------|---|---|
| Bethlehem Venglai North Kohhran | - | Upa K. Zoremsanga, Trainer
Upa Saihmingthanga Sailo, Trainer
Upa V. Lalbiakdika, Trainer |
| Hunthar Kohhran | - | Upa K. Vanlalnghaka, Trainer
Upa Lalrinawma Ralte, Trainer
Upa Richard V.L. Zara, Trainer |

☐ **KTP**

- ◆ May 6-7, 2023 chung hian Ngopa Bial huap KTP member intawhkhawm hmanpui turin CKTP hruiatute Pu P.C. Vanlalnunmawia, Treasurer; Tv Vanromawia, Comt. member; Pu Lalruatfela Comt. member, Mizoram Synod Choir te leh zaithiam Ni. H. Lalremruati leh Ni.C. Vanlalroluhtumi te an kal ang.
- ◆ May 5, 2023 (Zirtawpni) zan hian YRC-ah Zonuam Branch te intuaitarna hun hmanpui turin Tv. Lalrinnggheta, Asst. Coordinator leh Upa Lalchharmawia, Comt. member te an kal ang.
- ◆ May 5, 2023 (Zirtawpni) hian Rengdil Bial Leadership Training neihpui turin Pu Jonathan Lalhruiatluanga, Comt. member leh Pu H. Rosangzuala, Comt. member te an kal ang.
- ◆ May 5-7, 2023 chung hian Vairengte Bial Leadership Training neihpui turin Tv. Malsawmdawngliana, Comt. member; Tv P.C. Lalthanmawia, Comt. member leh Tv Vanromawia, Comt. member te an kal ang.

☐ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua	Pek chhan	Chhungkaw zat	Pek zat
1.	Thenzawl Kanan	In chhia	1	₹. 20,000/-
2.	Thentlang	Damlo	2	₹. 20,000/-
			Belh khawm	₹ 40,000/-

☐ **Synod Lay Workers Fellowship (SLWF)**

Synod hnuaiaw thawktu, Lay Workers Fellowship member-te chuan an kum 50 tlin denchhenin Synod Hospital, Durtlang tan thisen an pe dawn a. May 10, 2023 (Nilaini) hian Synod Higher Secondary School, Mizoram Christian College, Missionary Training Centre leh Synod Multipurpose Training Centre-a thawktuten an pe ang a. May 17, 2023 (Nilaini) hian P.C. Girls School, Synod Office, PRESCOM leh Sikulpua thawkten an pe ang a. May 24, 2023 (Nilaini) hian Synod Hospital, Hmangaihna In, Aizawl Theological College, Synod Rescue Home leh Masihi Sangati Kendra-a thawkten thisen hi an pe ve thung dawn a ni.

☐ **Zirlai Viltu**

May 9, 2023 (Thawhlejni) chawhma dar 10:00 hian Zirlai Viltu Committee chuan Synod Conference Centre-ah Awareness Campaign an buatsaih dawn a. Zirlai Viltu Committee hi Central/Civil Service-a Mizo thalai tam zawk an luh theihna tura Synod aiawha hma latu a ni a. He committee hmalaknain Civil Service exam duhte tana tangkai tur lekhkhabu leh material chi hrang hrangte chhiar theihna tur Synod Resource Centre hawn a ni a, a mamawh leh chhawr tangkai duh tan Synod Conference Centre pan theih a ni.

☐ **FM Zoawi - Aizawl & Lunglei : Hruaina Eng Radio Programme**

May 5, 2023 (Zirtawpni) @ 7:30 p.m. :

Solo : Angeli Lalhmangaihzuai - Ka zai chhan Isua, **Zaipawl** : Bawngkawn Bial Zaipawl - Isua Zuitu, **Thusawi** : Rev. Vanlalzuata - Khawvel mamawh, **Solo** : C.Vanlalmalsawma - Lalpa chu ka nunna, **Zaipawl** : Bawngkawn Bial Zaipawl- Nunna thianghlim siamtu

☐ **Susamachar Prasaran Programme :**

May 7, 2023 (Pathianni) 5:30 pm. :

Group/Choir/Solo : Synod Mission Choir - Ye aaj ki sunhari, **Group/Choir/Solo** : Eli Varte - Tune Mujhe, **Sermon** : Rev. James C. Lalremruata, **Group/Choir/Solo** : Lalduhawma - Avaarnit, **Group/Choir/Solo** : Shibani Chetia - Mur Mon Aji Bohu Dur

- **Hruaina Eng TV Programme**
- 4.5.2023 (Ningani) 8:30 pm : Zir bingna - Rev. P.C. Vanlalhruaia - Kohhran Chanchin (Hun hmasa lam)
- 5.5.2023 (Zirtawpni) 5:00 pm : Kristian Naupang Pual
- 6.5.2023 (Inrinni) 5:30 pm : Puitling Sunday School Zirlai
- 8:30 pm : Rimawi huang
- 7.5.2023 (Pathianni) 8:00 am : Weekly Round Up
- 5:30 pm : Su Samachar
- 8.5.2023 (Thawhtanni) 8:30 pm : Hruaina Eng Luang Chhuak
- 9.5.2023 (Thawhlejni) 8:30 pm : Nilai Zan thupui zir ho - Synod Mission Board leh MTC Governing Board

□ **Moderator leh Executive Secretary-te Programme:**

Rev. Dr. C. Chawngmingliana : Moderator

- May 6-7, 2023 Rulchawm Kohhran - Tuivawl Presbytery KṮP Meet hmanpui
- May 10, 2023 Pastoral Committee
- May 11, 2023 Social Front Committee
- May 12, 2023 PRESCOM Board
- May 13&14, 2023 Champhai - Rescue Home Programme

Rev. C. Zoramawia : Senior Executive Secretary

- May 10, 2023 Pastoral Committee

Rev. V.L. Luaia Hranleh : Executive Secretary

- May 8, 2023 Hmangaihna In Committee leh Hospital Building Committee
- May 9, 2023 PRESCOM EnṮhatu Committee
- May 10, 2023 Pastoral Committee
- May 11, 2023 Social Front Committee
- May 12, 2023 PRESCOM Board

Rev. Dr. K. Lallawmzuala : Executive Secretary

- April 15-May 8, 2023 Taiwan, Cambodia, Singapore leh S. Korea
- Mission Partnership Programme

HRIATTIRNA

Pawl XI leh XII zir tur, kum 2023-2024 session atan Presbyterian Hmeichhe Hostel, Kulikawna awm duh tan May 12, 2023 thleng dil theih a ni a. Dilna form hi Synod Office 1st Floor-ah te, Warden, Presbyterian Hmeichhe Hostel, Kulikawnah leh Missionary Training College, Mission Vengthlangah te lak theih a ni.

- Interview : May 16, 2023 (Thawhlejni) dar 10:00 a.m
- A hmun : Synod Committee Room No. 1 (Synod Office)

Sd/-

Rev. V.L. Luaia Hranleh
Executive Secretary
i/c Hmeichhe Hostel